

An Bhruiséil, 12 Meán Fómhair 2025
(OR. en)

12677/25
ADD 1

Comhad Idirinstitiúideach:
2023/0373 (COD)

CODEC 1236
ENV 821
MI 638
TRANS 371
IND 341
CONSOM 169
COMPET 853
MARE 33
PECHE 253
RECH 380
SAN 548
ENT 159
ECOFIN 1148

NÓTA MAIDIR LE MÍR "I/A"

ó:	Ardrúnaíocht na Comhairle
chuig:	Coiste na mBuanionadaithe/An Chomhairle
Ábhar:	Dréacht-RIALACHÁN Ó PHARLAIMINT NA hEORPA AGUS ÓN gCOMHAIRLE maidir le caillteanas millíní plaisteacha a chosc chun truailliú micreaphlaisteach a laghdú (an chéad léamh) – Glacadh an tseasaimh ón gComhairle ar an gcéad léamh agus an ráitis ar chúiseanna na Comhairle = Ráitis

Ráiteas ón Eastóin

Tacaíonn an Eastóin le haidhm fhoriomlán an Rialacháin, is é sin, caillteanas millíní plaisteacha sa chomhshaol a chosc agus éiceachórais agus sláinte an duine a chosaint. Measaimid, áfach, gur gá an t-ábhar inní seo a leanas a chur in iúl.

Ní thacaíonn an Eastóin i bprionsabal le rialacha earnáilsonracha maidir leis an dlí sibhialta a thabhairt isteach i reachtaíocht mhargadh inmheánach an Aontais ós rud é go gcruthaíonn na difríochtaí sin castacht mhíchúí sa chóras dlí agus go bhféadfaidís staid a chruthú ina gcaitear le daoine, lena n-áirítear daoine díobhálaithe nó gnólachtaí atá ag feidhmiú in earnálacha éagsúla, ar bhealach éagsúil, rud a d'fhéadfadh fadhbanna a chruthú maidir le prionsabal na córa comhionainne a léirítear inár mBunreacht. Tá feidhm aige sin maidir leis na rialacha dá bhforáiltear sa Rialachán maidir leis na tréimhsí teorann d'éilimh i leith damáiste don tsláinte, arbh iad sáruithe ar an Rialachán ba chúis leo.

Cé go luaitear sa téacs atá ann faoi láthair go bhféadfaidh na Ballstáit tréimhsí teorann a bhunú do na héilimh sin ar chúiteamh, déantar foráil ann fós maidir leis na rialacha sonracha sainordaitheacha i ndáil le túsphointe na tréimhse teorann. Ciallaíonn sé sin gurb éagsúil é an tréimhse theorann maidir le héileamh ar dhamáiste don tsláinte a thagann aníos de bharr sárú ar an Rialachán leis an tréimhse theorann maidir le héilimh eile i ndáil le damáiste don tsláinte, dá bhforáiltear tréimhse theorann aonfhoirmeach faoi dhlí na hEastóine, agus é á chur san áireamh nár cheart caitheamh le híospartaigh ar bhealach éagsúil ag brath ar an ngníomh éagórach ba chúis leis an damáiste don tsláinte.

Ráiteas ón Laitvia

Tacaíonn an Laitvia le príomhchuspóirí an Rialacháin, .i. an leibhéal cosanta comhshaoil a mhéadú trí shileadh millíní plaisteacha a chosc óna mbunchoimeádáin le linn gnáthláimhseála, agus ar an gcaoi sin riosca an tsilte a laghdú go dtí an leibhéal is ísle is féidir. Is féidir leis an Laitvia tacú leis an seasamh ón gComhairle d'fhonn é a ghlacadh.

Ag an am céanna, is cúis inní fós don Laitvia leathnú raon feidhme an Rialacháin, is é sin go ndéanfaí an muiriompar a áireamh ann.

Is cúis inní ar leith don Laitvia nach ndearnadh aon mheasúnú tionchair cuimsitheach maidir leis an earnáil áirithe sin a áireamh i raon feidhme an Rialacháin seo. Thairis sin, d'fhéadfadh cur chun feidhme praiticiúil an Rialacháin a bheith casta, i bhfianaise chineál réigiúnach an Rialacháin. Tá Moltaí IMO (MEPC.1/Circ.909) deonach do gach ballstát IMO – tá sé de cheart acu rogha a dhéanamh na moltaí sin a chur chun feidhme. Trí Mholtaí IMO sa Rialachán seo a ghlacadh, beidh sé d'oibleagáid ar Bhallstáit uile an Aontais iad a chur chun feidhme go héigeantach.

Creideann an Laitvia gur gá breithniú críochnúil a dhéanamh ar an ábhar sin san Eagraíocht Mhuirí Idirnáisiúnta (IMO), a mbeadh na páirtithe leasmhara uile rannpháirteach ar bhealach gníomhach sa phróiseas cinnteoireachta (lena n-áirítear eagraíochtaí neamhrialtasacha). Is é an tuairim atá againn gur cheart do Bhallstáit an Aontais comhoibriú faoi chuimsiú chreat IMO chun forbairt agus glacadh tráthúil na leasuithe ar choinbhinsiúin IMO a chur chun cinn, leasuithe lena dtabharfaí aghaidh ar bhealach éifeachtach agus ar scála domhanda ar shaincheist iompar na millíní plaisteacha ar muir.
